



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička, br. 80; tel: 00387 33 586 413, fax: 586 416

Na osnovu člana 10. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Saopštenja Agencije za javne nabavke BiH broj: 02-02-1-489-1/20 od 17.03.2020. godine i člana 71. i 125. Statuta Općine Vogošća ("Službene novine Kantona Sarajevo" broj: 27/14 i 14/15 - Prečišćeni tekst) Općinski načelnik dana 07.04.2020. godine donio je

ODLUKU
O IZUZEĆU OD PRIMJENE ODREDBI ZAKONA O JAVNIM NABAVKAMA BIH, U POSTUPKU
NABAVKE ZAŠTITNE OPREME ZA SPREČAVANJE ŠIRENJA KORONA VIRUSA

I

Ovom Odlukom izuzima se od primjene odredbi Zakona o javnim nabavkama BiH ("Službeni glasnik BiH" broj: 39/14) postupak nabavke zaštitne opreme za sprečavanje širenja korona virusa (zaštitne maske, rukavice, jednokratne kape i dr.), za potrebe Službe PMP koja je formirana u OJ Dom zdravlja Vogošća, kao i ostalih organizovanih struktura Civilne zaštite na području općine Vogošća.

II

Procjenjena vrijednost nabavke zaštitne opreme za sprečavanje širenja korona virusa iznosi 8.940,50 KM bez uračunatog PDV-a.

III

Predmetna javna nabavka biće finansirana iz Budžeta Općine Vogošća za 2020. godinu, ekonomski kod 614241-hitne mjere zaštite i spašavanja.

IV

Izveštaj o provedenom postupku po izuzeću iz člana 1. ove Odluke bit će unešen na Portal javnih nabavki, a u skladu sa članom 9. stav 4. Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu "E-nabavke", u roku od 30 dana od zaključivanja ugovora ("Službeni glasnik BiH" broj: 90/14 i 53/15).

V

Ova Odluka stupa na snagu danom donošenja, a objaviće se na web stranici Općine Vogošća.

Obrazloženje

Članom 10. stav 1. tačka b) Zakona o javnim nabavkama BiH ("Službeni glasnik BiH" broj: 39/14) je propisano da se od primjene ovog Zakona izuzimaju ugovori o javnoj nabavci čije izvršenje zahtijeva posebne mjere sigurnosti, u skladu sa zakonima u Bosni i Hercegovini.

Agencija za javne nabavke BiH se Saopštenjem broj: 02-02-1-489-1/20 od 17.03.2020. godine očitovala da u situacijama krajnje hitnosti, kada je potrebno reagovati istog momenta, npr. u roku od 1 ili 2 sata, ili čak u roku od nekoliko minuta, odnosno kada objektivno nije moguće primijeniti ni pregovarački postupak bez objavljivanja obavještenja o nabavci, tada se nabavka može podvesti pod izuzeće od primjene Zakona sa aspekta "posebnih mjera sigurnosti" iz člana 10. stav (1) tačka b) Zakona.

Povodom aktuelnih dešavanja u Bosni i Hercegovini u vezi sa Corona virusom (COVID-19), a u vezi sa službenim proglašenjem pandemije od strane Svjetske zdravstvene organizacije od 11.03.2020. godine, Odluke o proglašenju stanja prirodne ili druge nesreće na teritoriji Bosne i Hercegovine od strane Vijeća ministara BiH od 17.03.2020. godine, Odluke o proglašenju stanja nesreće zbog coronavirusa na području Federacije BiH od strane Vlade Federacije BiH od 16.03.2020. godine, Odluke o proglašenju stanja prirodne i dr. nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo od 18.03.2020. godine od strane Vlade Kantona Sarajevo, Odluke o proglašenju stanja prirodne nesreće na području općine Vogošća zbog opasnosti od širenja zarazne bolesti uzrokovane koronavirusom (COVID-19) od 18.03.2020. godine od strane Općine Vogošća i Odluke o pokretanju postupka nabavke medicinske, zaštitne opreme i dezinfekcionih sredstava od 25.03.2020. godine od strane Općinskog štaba civilne zaštite Općine Vogošća, a usljed ukazane hitne potrebe za nabavku robe opisane u članu I. ove Odluke, donešena je Odluka kao u dispozitivu.

Izradio: Mirza Čutura

Mirza Čutura

Kontrolisala: Melisa Kršo

Dostaviti:

- Služba za poslove Općinskog vijeća i Općinskog načelnika,
- Služba Civilne zaštite,
- Evidenciji,
- a/a.

Broj: 11-11-683/20
Vogošća, 07.04.2020. godine



OPĆINSKI NAČELNIK

Edin Smajić
Edin Smajić